

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA DOBOJ ISTOK  
OPĆINSKI NAČELNIK**

Broj: 01-04-944/24  
Doboj Istok, 06.09. 2024. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH» broj 12/03, 34/03 i 65/13), člana 64. Zakona o zdravstvenoj zaštiti ("Službene novine F BiH", broj 46/10 i 75/13) i člana 3. Odluke Općinskog vijeća općine Doboj Istok o raspisivanju javnog oglasa za izbor i imenovanje na pozicije predsjednika i člana upravnog odbora Javne zdravstvene ustanove Dom zdravlja Doboj Istok broj 02-04-944/24 od 04.09.2024. godine, Općinski načelnik općine Doboj Istok, objavljuje:

**J A V N I O G L A S**

**za izbor i imenovanje kandidata na pozicije predsjednika i članova  
upravnog odbora Javne zdravstvene ustanove Dom zdravlja Doboj Istok**

**I Objavljuje se javni oglas za izbor i imenovanje:**

- predsjednika- predstavnik osnivača i
- jednog člana – predstavnik stručnih radnika JZU Dom zdravlja Doboj Istok

**II Opis upražnjene pozicije**

Djelokrug rada Upravnog odbora propisan je članom 65. Zakona o zdravstvenoj zaštiti ("Službene novine F BiH", broj 46/10 i 75/13).

**III Mandat**

Mandat članova u Upravnom odboru traje 4 (četiri) godine uz mogućnost ponovnog imenovanja.

**IV. Uslovi**

Kandidati za imenovanje na pozicije u upravni odbor Javne zdravstvene ustanove Dom zdravlja Doboj Istok moraju ispunjavati

- opće i
- posebne uslove

**a/ Opći uslovi za imenovanje:**

- da je državljanin Bosne i Hercegovine,
- da je stariji od 18 godina, ali ne stariji od 60 godina,
- da su zdravstveno sposobni za obavljanje poslova na koje se kandidiraju ( uvjerenje dostavlja kandidat po prijemu u članstvo upravnog odbora)

- da nije otpuštan iz državne službe kao rezultat disciplinske mjere /bilo na nivou države ili entiteta/ u periodu od 3 godine prije dana objavljivanja upražnjene pozicije,
- da se na njega ne odnosi član IX. 1 . Ustava Bosne i Hercegovine /da nije pod optužnicom međunarodnog suda za ratne zločince u bivšoj Jugoslaviji/,
- da se protiv njih ne vodi krivični postupak, odnosno da nisu osuđivani za krivično djelo ili privredni prestup, koji predstavlja smetnju za imenovanje na upražnjenu poziciju, u roku od pet godina od dana izdržane, izvršene ili zastarjele kazne,
- da nisu na funkciji u političkoj stranci u smislu člana rukovodnog tijela,
- da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u F BiH.
- da im odlukom suda nije zabranjeno obavljanje aktivnosti na poziciji na koju se kandiduju.

**b/ Posebni uslovi za imenovanje:**

- da ima završenu srednju, višu ili visoku stručnu spremu odgovarajućeg zanimanja,
- da ima radno iskustvo od najmanje 3 godine nakon sticanja stručne spreme na poslovima u okviru svog zanimanja,
- da nema finansijski interes u reguliranom organu na koje se kandiduju,
- da nije član upravnog ili nadzornog odbora u više od jednog reguliranog organa općine Doboj Istok, odnosno TK, odnosno da nisu članovi drugih tijela koja se finansiraju iz budžeta Općine.

c. Za sve kandidate koji ispunjavaju opće i posebne uvjete u postupku konačnog izbora uzeće se u obzir i sljedeći kriteriji:

- veći stepen stručne spreme srodnog zanimanja,
- komunikativne i organizacione sposobnosti,
- minimum znanja o organizaciji i djelatnosti reguliranog organa,
- rezultati rada tokom karijere.

**V Potrebni dokumenti**

Uz prijavu na javni oglas kandidati su dužni priložiti:

- kraću biografiju, adresu i kontakt telefon,
- uvjerenje o državljanstvu ( ne starije od 6 mjeseci),
- ovjerenu kopiju diplome,
- uvjerenje o radnom iskustvu u struci,
- ovjerenu izjavu kandidata da ispunjava sve opće i posebne uslove za imenovanje na pozicije u Upravnom odboru JZU Dom zdravlja Doboj Istok.

**VI Podnošenje prijave**

Prijave sa potrebnom dokumentacijom se dostavljaju lično ili preporučenom pošiljkom, sa naznakom na koverti «Prijava na Javni oglas za izbor i imenovanje predsjednika i članova upravnog odbora JZU Dom zdravlja Doboj Istok - NE OTVARAJ» na adresu: Općina Doboj Istok, 74207 Klokoznica – Komisija za izbor upravnog odbora JZU Dom zdravlja Doboj Istok.

Nepotpune i neblagovremene prijave neće se razmatrati.

Javni oglas ostaje otvoren 15 (petnaest) dana od dana posljednjeg objavljivanja ovog oglasa, a isti će biti objavljen u dnevnom listu «Oslobođenje» i «Službenim novinama Federacije BiH».

